

四庫全書

集部

欽定四庫全書

少室山房集卷七十四

明 胡應麟 撰

七言絕句八十二首

再送茂卿還晉陵四絕句同童山人子鳴作

草色蕭條六代宮故園回首嘆飛蓬  
秦淮一夜西風急  
落盡芙蓉細雨中

客裡黃花別季鷹  
清秋殘葉洒孤燈  
歸帆憶爾江城下

半夜潮聲泊廣陵

楚塞吳關望裡賒  
遙遙雲水接蒹葭  
秋山何處幽期近  
縹緲峯頭一片霞

揚子汀洲起暮潮  
片帆南下雨蕭蕭  
他年共訪蘇臺月  
攜手垂虹百尺橋

寄陳稚冲一絕

綠髮青袍易水涯  
東風頻過酒人家  
為言上苑三春雪  
何似長干二月花

唁陸茂才二首

謝家庭樹正龍葱，莫擬探環向別藪。  
白玉樓中題記罷，他時來作顧非熊。

潦倒青氈氣未除，莫將流淚洒長裾。  
聊堪剝取雙眸在，老向西河學著書。

別惟寅入燕四絕

星散交游二十年，兩人相對白門前。  
西風無賴長干柳，吹送千條上別筵。

白鷺洲前白浪高  
飛帆晨發廣陵濤  
浮雲萬里燕臺上  
擊筑何人伴彩毫

十載酬知淚未忘  
攜來爛漫洒河梁  
愁人最是秦淮曲  
月落霜飛上去航

片席遙分大海流  
寶刀持贈若為酬  
黃金臺館三千尺  
截取長虹寄石頭

黎秘書劉觀察劉金吾丘計部李環衛周明府  
康茅朱三山人出餞即席賦

駿骨黃金且未哀，飄然裘馬賦歸來。  
河梁日暮驪歌發，回首高天郭隗臺。

滿坐青山照客裝，風塵憔悴舊荷裳。  
吳鉤莫問尊前色，白日長虹墮太行。

四海論交碣石宮，一時攜手向西風。  
惟應別後嚴陵釣，千尺重懸大海東。

高天擊筑暮雲屯，大陸飛霜滿薊門。  
莫向塵埃慚浪迹，十年詞賦在乾坤。

寂寞妖姬舊酒樓  
南歸金盞鸕鶿表  
陰符匣底猶堪讀  
可怕機前少婦愁

潞河舟中再別惟寅裕卿汝修絕句五首

時余將由

越適楚

雨色荆門樹樹哀  
武昌黃鶴暫徘徊  
西風玉笛危樓上  
萬片梅花落酒杯

亂山臺殿楚江頭  
極浦蒹葭夾岸流  
二十五絃湘水瑟  
月明何處不堪愁

神女祠前落日低，祝融峯外亂雲迷。  
那堪重作高堂夢，萬樹清猿岳頂啼。

一望巴陵楚嶠分，木蘭舟上雨紛紛。  
中流無限瀟湘色，日落君山起暮雲。

衡岳千峰霧裡看，洞庭波色照闌干。  
揚帆自為青山去，漫擬當時白雪寒。

華陽雜詠八首

垂虹嶺

萬仞危巖古木低翠屏迴合上丹梯桃花流水無人問  
一路猿聲夕照西

小石梁

雲際飛梁壓水開翠巖丹壑自縈迴捫蘿欲記天台路  
片片青霞屐底來

水雲洞

積雪蒼茫澗道分空林麋鹿自成羣夜來洞口飛泉過  
流出西巖幾片雲

武陵洞

雲壓重嵯午不開  
石門烟雨護莓苔  
分明記得秦時路  
曾到仙源採藥迴

涵碧池

池上藤蘿歲月深  
半空寒影動青岑  
攜琴欲寫瀟湘意  
夜夜蛟龍水面吟

浴雲潭

絕壑東迴鳥道微  
隔山流翠轉依依  
西風落日空潭上

滿地寒雲濕不飛

飛來石

片石巒岈倚怪松，清秋寒雨滴虬龍。  
苔深不記飛來處，疑是崆峒第一峯。

步虛臺

縹緲天都十二樓，銀河遙望不勝愁。  
何因醉逐飛瓊語，謫向人間五百秋。

西湖竹枝歌四首

四山樓殿鎖清秋  
一水縈洄島嶼幽  
咫尺蓬瀛休道遠  
畫船簫鼓在中流

聽樂魚龍出漢陂  
學飛鳧雁繞昆池  
青林半鎖瑤臺暮  
綠浪平鋪畫舸移

倚棹汀洲草色齊  
迴船濤浪滿蘇堤  
萬家楊柳青門外  
一片芙蓉綠水西

雙鶴徘徊幾夕陽  
孤山雲水似瀟湘  
重遊好探東風信  
萬樹梅花艤雪航

送胡文父還匡廬五首

爾去匡廬第一峯，翠屏千疊紫烟重。  
何時共拾金光草，對倚青冥跨白龍。

秀出香爐萬嶺西，遠公精舍夕陽低。  
憐君我欲逃禪去，相逐寒雲住虎溪。

棲隱峰頭樹色分，傳書遙寄紫陽君。  
一聲鐵笛千林晚，片片桃花落彩雲。

聞說年來李夢陽，青鞋曾遍踏蒼茫。  
扶筇何處天池近

指點銀河百尺長

九疊雲屏霧雨餘  
海風江月望來虛  
攜書倘逐青蓮興  
乞取匡君舊結廬

挽陸文學一絕

廿載青衫閱歲華  
殞宮遙映夕陽斜  
春風何處山陽笛  
落盡棠梨萬樹花

湖上即事二首

一派笙歌擁大堤  
春風攜酒畫橋西  
回鑣競挽青絲騎

蘇小門前柳色齊

垂柳朱門十萬家青帘紅旆各年華  
蘇小墓前寒食近碧桃無主亂飛花

渡錢塘七首

一夜天風挂海濤雪山零亂舞江臯  
輕舟忽渡錢塘水萬仞扶桑日色高

赭龕迴望兩山屯天削銀屏障海門  
白浪晝看三百里不知誰喚伍胥魂

濁浪東排萬里天  
平分吳越海雲前  
憑誰為乞支機石  
坐擁浮槎到日邊

十二樓臺倚碧空  
安期亦在紫雲東  
瑤車笑指相逢處  
摘取蟠桃萬樹紅

江色浮空四望遙  
青山斜倚木蘭橈  
何人共擊中流楫  
散髮迴看大海潮

十載長安祇浪遊  
揚帆東蹴海天流  
含毫欲鬪思光賦  
萬壑魚龍起暮愁

坐擁輕橈入亂山  
蓬萊東望彩雲閒  
麻姑是處堪攜手  
重疊秋江倚翠鬟

夜發錢塘以風濤迅甚次日遂抵桐廬

暮雲飛盡海門開  
越客扁舟萬里迴  
一片青山濤浪裡  
不知帆過子陵臺

裕卿業與余為錢塘之約余以歸計迫不及待

輒留一絕

飛流如雪洒蓬窻  
一夜離心擁去艘  
回首不堪相憶處

千山明月滿桐江

登釣臺四絕

重疊嵐光倚翠屏  
天風吹客上危亭  
持竿試著羊裘坐  
何處長安有客星

挾策初從帝座回  
繫舟重上子陵臺  
峰頭日暮狂歌發  
萬里浮雲海色來

欲向桐君話隱淪  
千峯寒色對嶙峋  
青袍可是遊燕客  
不染玄都半樹塵

百尺綸竿俯碧流，危闌天半夕陽愁。  
山靈似識攜家意，十里魚龍送客舟。

邦相遊爛柯不遂戲為四絕詢之

底事雙鳧向碧空，洞天重疊鎖芙蓉。  
虛疑王質雲中去，仍見王喬縣裡逢。

乘風百級上莓苔，樵者峯頭喚不迴。  
何似歸尋胡伯子，石屏霞譜為君開。

當年仙訣妙通神，下子蟠桃十度春。  
一自移居蘭水上，

爛柯巖畔更無人

一局纔從石上看  
人間千日已闌珊  
何如共載溪頭酒  
剝作平原百遍懽

問喻邦相病四首

閉閣經旬卧起遲  
青山長日對支頤  
吏人莫訝休文瘦  
政是初成八詠時

名姓曾聞在赤城  
衙齋一卧萬緣輕  
惟應剝取清羸骨  
白日飛鳧上太清

十年歸卧茂陵居長日惟刪舊著書最是漢庭憐汲黯  
病來猶得伴相如

爾閑高齋送夕陽余愁肺病卧空床何緣對挾飛龍去  
萬仞青天坐石梁

題方山人聽秋軒

密甃疎櫺翠篠中碧天遙挂二梧桐何時自挾蒲團至  
坐領堦前萬葉風

齋中繪五岳為圖稱卧遊焉各系以詩

泰山

玉殿瓊樓起太空  
扳藤遙上碧雲中  
中宵不辨星河色  
萬丈天門海日紅

衡山

拄杖飛蘿上百盤  
狂吹玉笛和青鸞  
回看月色千巖吐  
不道峰頭是廣寒

嵩山

遠下崑崙度玉華  
黃河九曲照三花  
空明洞底無人住

散髮中天弄紫霞

華山

太華三峰削不成  
巨靈高掌竄咸京  
相攜玉女朝天去  
朵朵蓮花足下生

恒山

絳節迴看上帝臺  
金莖雲霧接蓬萊  
不知碣石青何處  
萬里冰天雪色來

秋日南軒櫛髮忽數莖  
斑斑馬漫題二絕志感

未到潘年已二毛  
胡床箕踞白雲高  
猶勝寓直秋風裡  
寂寂寒更賦騎曹

綠鬢全拋舊日容  
一菴秋色照蒙茸  
憑誰試摘三千丈  
挽取羲和駕六龍

七月十五夜小亭翫月

尊酒憑闌客思孤  
萬家明月對冰壺  
不知簷外秋多少  
一夜飛霜下井梧

謝章儀父惠家釀二絕

玉碗香飛琥珀明自呼南斗吸長鯨  
河清莫道今難俟已換王家月旦評

一飲揮毫一百篇何人真是酒中仙  
應知他日來民舍不飲麻姑石上泉

送人之會稽

問水看山興未涯十年瓢笠寄烟霞  
青鞋夜宿雲門寺好趁千峰向若耶

秋日寄友人山中

白雁丹楓盡作行霜天何處問重陽東鄰老衲歸來晚  
靜夜猿聲到竹房

寄洛中友人

濁酒青絲照玉壺信陵公子對呼盧狂歌莫問燕臺客  
零落秋風傍狗屠

寄張鍊師

構得茅齋傍玉華芙蓉伏火鍊丹砂清秋絕頂朝元夜  
白露千巖溼桂花

韓逸人西游二華持扇索題戲為書一絕句時

寓余  
城東

豆蔓松花護客居半床雲色半床書  
西游何處燒金液  
太乙峰前舊結廬

送人入蜀

遠下荆門客思濃  
清秋落木遍千峯  
猿聲一夜孤舟雨  
愁殺巫山十二重

送何生遊邊

翩翩書記向龍堆  
白草黃雲大漠開  
落日固原飛檄少  
題詩頻上赫連臺

寄黔中劉從事

崔嵬銅柱亂峯前  
迢遞鄉書隔歲傳  
醉卧枕榔明月底  
不知人在夜郎天

秋日送人之夔州

黃牛峽口暮雲愁  
白帝城前江水流  
落日片帆秋色裡  
千山行盡見夔州

少室山房集卷七十四

欽定四庫全書

少室山房集卷七十五

明 胡應麟 撰

七言絕句八十三首

秋夕紀夢十絕 有序

夜夢至一處萬山嵯峨白雲載之其上有金  
銀宮闕麗甚榜曰碧落洞天余徘徊其外良  
久不得入而寤因戲作十絕紀之

芙蓉一枕自徘徊恍惚鈞天帝子臺長嘯八公攜手去  
萬峯雲色駕蓬萊

足躡安期兩赤虬飛行忽到海西頭青山一片崑崙頂  
亂落星河滿蒨緜

曉入瑤池殿裡行珠簾斜捲月華明天妹十萬花如綺  
不省何人是智瓊

十五神鰲戴白雲三山長揖魏元君不須遠問靈飛籙  
玉佩金璫盡秘文

永夜銀河送客槎  
吹笙遙赴阿環家  
狂拋織女支機石  
攜手扶桑萬尺霞

龍蹻泠泠踏紫烟  
罡風吹向大羅天  
白雲滿地秋如水  
十二瓊樓獨自眠

一局王喬對未殘  
飛書何處到青鸞  
騎龍夜赴西池會  
三百明星亂玉盤

玉榜瓊樓次第開  
梯仙靈境乍徘徊  
花前舞罷山香曲  
萬朵紅英落絳臺

樹樹桃花玉洞前  
成都賣藥已千年  
秋來跨鶴騰空去  
月滿仇池第一天

縹緲羣仙列上清  
天都齊送珮環聲  
歸來莫道無人見  
兩袖霞光罩赤城

夜登金華絕頂慨然有懷作步虛詞五章

兩袖明星拂絳河  
天風吹客上嵯峨  
無勞更覓梯仙界  
半夜鞭龍入大羅

長揖元君向紫宸  
中天樓殿矗金銀  
如花座上三千女

攜手先過第一人

禮斗壇邊下夕陽  
焚香絕頂奏虛皇  
不知誰喚羣仙到

零亂星河白玉床

洞中有仙人石  
床瑩如白玉

一謫仙班下海涯  
夢魂長繞阿環家  
西華舊業荒蕪甚  
老却瑤池萬樹霞

左揖龜臺右木公  
仙壇瑤草暮茸茸  
金華自有騎羊客  
漫許留侯事赤松

新秋郭鴻臚吳文學過訪留飲小齋至暮

一自華陽罷和歌  
頻年白眼卧山阿  
玄亭莫怪秋來啟  
剛為侯芭到綠蘿

嘲小杜

舟泊廣陵憶杜紫薇  
青樓薄倖之句戲成此

絕

花壓虹橋水壓城  
玉簫吹月到天明  
當時自少揮毫客  
可道青樓橫得名

喻邦相即署中建樓題曰信美索詩為賦四絕

胡床明月坐高秋，碧瓦朱甍大海頭。  
十二危闌賓從滿，一時傳作庾公樓。

畫檻雕闌瞰越城，平湖十里最分明。  
公餘半捲珠簾坐，四百樓臺弄晚晴。

嬋娟一片起簷牙，影落臨安十萬家。  
絲竹管絃清夜滿，何如遷客在長沙。

不道青衫客異邦，錢塘江外是潯陽。  
扁舟若趁滕王宴，一夜南風到豫章。

戲贈貞吉中尉兼柬唐惟良

來鵬姓僻人希覩  
司馬名成帝未聞  
獨有故人先識面  
豫章前殿舊將軍

靈洞山房雜咏為趙太史題五首

古洞棲霞

石磴峩堯挂紫烟  
芙蓉萬朶石羊眠  
尋仙不用盧教杖

雙跨虬龍入洞天

洞名  
雙龍

中巘干霄

鳥道千盤壓翠微  
中峯突兀鎖烟霏  
天風兩袖捫蘿上  
不道金丹白日飛

三山環壁

十尺幽軒鎖碧桃  
三山羅列畫屏高  
登臨忽憶吾家近  
萬仞扶桑壓巨鰲

片石飛雲

蕭然行橐賦歸農  
琴鶴齋前但故蹤  
莫道嶺南無長物  
羅浮攜得最高峯

山亭樵語

萬籟無聲晝寂寥  
小亭徐坐看花飄  
前山何處來人語  
一片歸雲下晚樵

讀方僑山人集二絕有序

方僑山人太古從子也學五言律有清韻如  
霜清漁艇集雨暗客帆收野水通泉脈山雲  
露石根藤交山寺僻溪截野橋橫細草幽緣  
徑新篁密蔽簷  
曉樹籠雲暗寒山帶雪竒溼

含鵝雨細香賺蝶風輕等句率晚唐餘味視  
從父可謂青冰第才具不多耳堯治又僑之  
猶子既從汪王兩司馬乞太古傳與銘復裒  
僑遺草刻之而懼其傳之弗永也索余題二  
絕其後云

廿載寒溪曳短筇何人攜酒日相從林中偶遇飛觴客  
把臂無勞覓仲容

尚記蟬聲過別枝韶卿亦與謝翺期

方干有句云蟬曳  
殘聲過別枝方鳳

宋末婺人  
字韶卿  
流風莫嘆諸方盡  
五字重吟鐵馬詩  
山人有題鐵馬

詩頗可觀

再送吳師入洛四絕句

翩翩行旆逐西風  
十郡材官指顧中  
屈指大廷推第一  
河南寧羨漢吳公

珠履三千各賦才  
向來門客盡鄒枚  
高牙大纛縣鳴鞭  
去白日遙登古吹臺

二室東西並拂天  
中天樓閣擬雲烟  
抽毫絕頂嵩峯上

一線黃河墜檻前

七聖襄城駕不遙  
三花紫氣拂輕霄  
遙知問道崆峒後  
鹵簿相催入聖朝

客有至自吳門者  
傳周公瑕媵人  
將就館喜而為詩  
詢之

臺深銅雀鎖斜陽  
高唱將雛待鳳凰  
筵上不須重顧曲  
吳門今是老周郎

葉明府校士錢塘五絕  
余邑方大有秋故末首

并及焉

曙色蘭陰照錦袍  
飛檣遙下越門濤  
高秋棘院掄文夜  
萬樹天香入彩毫

明遠高樓百尺懸  
寒光遙夜動龍泉  
由來寶劍司空識  
紫氣行看北斗連

紫綬緋袍煥陸離  
畫堂燈火徹簾時  
湖頭十里秋風色  
兩袖天葩上玉墀

巖喋雙高上紫氛  
迢遙三竺架青雲  
雄飛好趁仙鳧翼

一顧能空萬馬羣

處處黃雲足稻梁家家秋色賀登場東南竹箭三千尺  
更逐伶倫到上陽

日暮風起仲嘉戴一布帽復落賦此嘲之兼呈

汪司馬

谷口天風起暮笳笙歌催客噉流霞亦知閩內非宣武  
布帽何須落仲嘉

訪汪士能不值吳生畱飲狹斜席中漫興二絕

潭水桃花閉綠蘿一尊其奈片雲何何時更發青蓮興  
飽聽汪郎白雪歌

滿蹊花色繡平沙自在嬌鶯喚落霞莫笑杜陵衣盡典  
曲江還醉四娘家

又戲作寄汪六

漫詫蓮花似六郎鬚髯如戟太昂藏若為騎鶴揚州去

十萬朱提照畫堂

汪適以會  
計入郡

晨發題壁

春風一笑引流霞占盡揚州十萬家  
惆悵碧桃何處落銀屏珠箔寄天涯

為沈生題扇

沈生善歌余使習司馬大雅堂四劇詩以勗之

清夜琵琶搗落梅香山司馬玉山顏若為長恨歌成誦  
一曲千金意未迴

夜同汪六吳三過城西酒樓巨觥飛白墮數十  
巡旋取余所攜金華更酌小奚撥阮二豎子  
歌弋陽潦倒中旦迺別俳語一絕紀之

潦倒壚頭作酒狂青衫重入少年場  
那堪醉憶瑯琊語  
滿酌金華聽弋陽

楊孝廉邀遊河西酒樓歌者持扇乞書

垂柳垂楊千萬條春風留客董嬌嬈  
他時怕唱清江曲

二十年前舊板橋

戲用唐人原句

即事

蕭蕭風雨坐莓苔百罰深杯未擬回  
莫怪桃花閉春澗  
劉郎今度是重來

歌者屢召不至汪生狂發據高座劇談水滸傳  
奚童彈箏佐之四席並傾余賦一絕賞之

琥珀蒲桃白玉缸巫山紅袖隔紗窻不知誰發汪倫興  
象板牙籌說宋江

贈吳美成

崇蘭滿室坐飛香十二樓頭白玉堂自是宣和詞賦手  
莫將年少詫周郎

睡起作

綉衾霞褥卧徘徊啼盡天雞喚不迴無限悲歡十年事  
一宵齊向夢中來

巖鎮遇雨宿汪士能齋頭檠括唐人絕句作續

惆悵詩十二章

止成二  
首而止

騎鶴吹簫空月明亂山風雨閉荒城那曾一覺揚州夢  
羸得青樓薄倖名

仙源何處覓瓊漿萬朵飛紅亂夕陽莫怪桃花貪結子  
芳菲元不為劉郎

答汪仲淹

寒雨巫山閉楚臺  
七香俄載阿香來  
不因宋玉能相撓  
日日行雲未肯迴

又分得花字代歌者答

胡麻何處問仙家  
忽有明粧出亂霞  
自是劉郎重到晚  
莫將風雨怨桃花

司馬公既命片雲矣更謂余命一字憶公高唐  
記神女小字瑤姬請遂輟以字之公笑曰可

并為賦一絕句

仙姬環珮下瑤臺

戲借用傳奇語

握手桃花萬樹開日暮巫山

行雨去莫教人擬片雲來

翌日吳肇成招同司馬洎諸君浮筏遇雨泊梁

下有挈歌姬趙某至左手三指爪皆長六寸

餘司馬記中所謂邯鄲才人也

方平遙駐五雲車勾引麻姑出絳霞莫向蔡郎矜指爪

夜深留取撥琵琶

席中方演琵琶伎適趙姓亦奇

綠髮紅顏照舞衣  
門前車馬未全稀  
若為湖上參禪去  
長爪錚錚法雨飛

別汪仲淹二首

痛飲狂歌夜不休  
華堂風雨促離愁  
相思何處偏惆悵  
三月桃花病倚樓

籃筍扶攜出釣磯  
河梁別淚亂吹衣  
不堪重執汪倫手  
潭水桃花撲面飛

別汪士能二首

野店相逢匹馬黃  
畫樓紅燭照霓裳  
虬髯自是前生貌

莫向扶餘作國王

是夕適奏張伯起紅拂傳奇

綠酒銀燈露未晞  
紅粧深夜舞明妃  
無論車笠他年事  
已共咸陽作布衣

邦相卧病金華寄訊二絕時余亦伏枕山莊

八咏樓空月色饒  
青衫憔悴沈郎腰  
西風露白金盤冷  
咫尺恩波下絳霄

挾策歸來似轉蓬  
卧彈長缺送飛鴻  
金華舊是尋仙地

可道雙旌駐葛洪

同祝遜父葉叔明諸子登大雲山

萬井樓臺夕照間  
青烟明滅鎖林巒  
憑誰寫寄中原客  
一片關全畫裡山

是夕趙汝元祝無殊同游市中觀燈

熒煌燈燭照山城  
攜手春風入畫行  
歌罷落梅清吹合  
恍疑笙鶴在蓬瀛

祝太學昆季過雙樹園不值

三徑蓬蒿書不開  
落花長日鎖蒼苔  
何因看竹西鄰去  
忽報羊求二仲來

雪中二祝生攜酒過訪

四山晴雪照疎櫺  
片片蘭陰入座青  
試問成都攜酒客  
幾人能過太玄亭

將遊新安葉明府傳送人舟即席賦謝二絕

竹箭春江二月流  
桃花紅映木蘭舟  
聊因葉縣神明宰  
一借仙鳧澱水頭

寧國新都一水間朝遊白岳暮黃山乘風坐嘯天門上  
遙指雙鳧入漢關

張元春為余作書齋四圖各系以詩

金華三洞

萬仞朝真天際頭雙龍飛瀑望堪愁何如坐對王維畫  
四壁青山盡意遊

少室三花

三花晴色際天開尚憶當年二李才  
李渤莫笑書生長  
李荃

寂寞碧油車引上元來

封陟事  
見廣記

二酉山房

海外徒聞二酉山崑崙玄圃隔人寰  
生綃拂拭高堂上  
彷彿曾驅八駿還

蘭陰精舍

溪上秋蘭帶暮春萬峯晴色照嶙峋  
他年莫使閭侯見  
認作僧絲第二身

春日送高生楚遊

雲漲平湖綠滿堤  
片帆朝掛武陵西  
春山盡日無人見  
萬壑飛花杜宇啼

方山人章葉二太學過集

龍門何客曳長裾  
年少翩翩各起予  
不是元龍豪氣盡  
十年湖海斷來書

同胡孟弢王永叔李季宣遊曲中戲為二絕

十年沽酒共持螯  
淪落長安氣尚豪  
銀燭綉簾春似海  
夜深重奏鬱輪袍

蒲萄新綠照人明，急管繁絃四坐傾。  
莫道春明能久住，朝來仍別潤娘行。

同房仲過雲間舟中聽趙五叔遠夜歌作

樓船明月夜如霜，一曲清歌趙五郎。  
貪聽陽關第三疊，不知行色在吳閭。

潘張兩生小飲舟中時童子阿四侍側衆以黃

四娘呼之余賦一絕

騎曹公子各翩翩，黃四娘嬌壓玳筵。  
狂殺杜陵歌扇底，

爛燒銀燭坐霜天

趙生以歌者范三至再乞余詩

淋漓尊酒醉還醒  
嘹唳歌聲出錦屏  
最愛趙郎情性好  
雙眸時為萬山青

再贈小范歌玉簪

欲解緋袍換綠衫  
梅花明月夜  
參參不因趙氏連  
城在  
那得尊前聽玉簪

幼于所懼王姬攜酒餞別戲酬以小詩

最愛風流黃四娘  
偏能問字浣花堂  
他年細檢成都札  
猶恐才人是洛陽

少室山房集卷七十五

欽定四庫全書

少室山房集卷七十六

七言絕句八十首

明 胡應麟 撰

鄧遠遊貶書遠訊纒纒千言副以絕句十章如  
龍泉太阿不可迫視間頗為余致前薪之憤  
不知余比為浮名所累無地自藏知我者希  
我且貴矣四絕寥寥用謝良友

珍重雙魚到草堂暮雲春樹話偏長  
仙山咫尺攜家近  
滿把青芻飯石羊

昌黎漫詫虬螭橫中散休嗔  
蝨涎豪落乾坤元我輩  
紛紜月旦任兒曹

散髮垂竿大海東羊裘無計擲  
西風雌黃政爾須賢輩  
一掃浮名萬累空

十斛明珠顆顆圓驪龍光射草堂前  
論心不為鍾期在  
廿載震旦抱絕絃

金華山雜咏八首

朝真洞

徙倚明霞上百盤  
石門天際敞高寒  
峰頭坐讀黃庭罷  
遍禮羣仙白玉壇

水壺洞

一線懸崖鳥道通  
石床鍾乳鬪玲瓏  
飛流萬尺無人到  
誰縮廬山此洞中

雙龍洞

洞底雙龍挂碧流  
蜿蜒十里暮雲愁  
朝來拂拭仙人躡  
攜爾同登十二樓

二仙祠

臺殿崔嵬鎖玉京  
白雲遙按步虛聲  
他時辟穀堪尋汝  
絳節雙飛繞太清

芙蓉峯

萬仞嵯峨霧色重  
青天誰削紫芙蓉  
扶筇恍憶西遊日  
玉女盃邊第一峯

赤松澗

鹿田西下接魚磯  
千頃寒流照客衣  
薄暮亂山風雨過  
不知潭底玉龍飛

紫薇岩

文采曾驚六代豪  
紫薇深鎖白雲高  
何人為啟藏書穴  
搖落青山伴彩毫

石羊峯

絕頂寒雲挂玉清  
三山何處有蓬瀛  
乘風自叱羣羊起

不向黃冠道姓名

調安茂卿時安攜妓湖上

一舫朝移入畫圖  
亭前蘇小鬪揶揄  
徘徊十里春湖色  
忘却吳松舊釣鱸

寄祝鳴臯

落魄長安舊酒徒  
五陵花色勸提壺  
別來肝膽憑誰問  
一片霜華照轆轤

湖上寓目

獵獵輕風試碧蹄  
羣兒相逐段橋西  
不知何處雙鴛度  
十數金丸落大堤

過吳門不及入訪喻邦相寄懷四絕

錦纜牙樯出太湖  
樓船簫鼓入皇都  
那堪此夜吳閭外  
斷雨淒風問客途

越國山川處處留  
吳門花月更優游  
何人不道神仙吏  
四百樓臺任意遊

燕寢凝香畫戟開  
雲間太守舊憐才  
蕭然一榻黃堂畔

飛騎時迎二陸來

玉尺銀條照座明  
鱸魚乍夜到江城  
秋風斜日長亭畔  
更向何方作步兵

河渠歌十首為大司空潘公作并奉懷前大司

空朱公

大海波濤靜不流  
長堤雲霧似龍游  
千秋玉帛朝仙苑  
萬國車書會帝州

鼓吹連天發棹歌  
旌旗耀日午風和  
波搖柳色通淮甸

水泛桃花入潞河

寶應堤成不避風高郵湖遠若行空由來餉事今年蚤  
四月樓船盡過洪

大聖曾聞出泗州司空重起鎮淮流河開砥柱三千丈  
殿鎖琅璫億萬秋

鐵騎雲屯漢武年翻愁瓠子變桑田何如此日新梁就  
南控長淮北控燕

六月邊頭未請糧河西已到萬餘皇懼聲欲沸三關士

滿載嘉禾出太倉

錦纜牙檣照碧天黃旗十道晚風前山櫻未入吳姬口

乍日中官已進鮮

朝行齊魯暮淮徐沐雨棲風志屹如業就恥方徐內翰  
功高不數宋尚書

三十年來治水勞白頭猶自駕輕舸河邊莫漫誇千騎  
海上曾聞釣六鰲

隨山刊木兩司空萬古勤勞夏后同試聽河堤行客語

朱公一去有潘公

抵淮上友人邀飲狹斜迫歸不能艤棹

新水黃河沒釣磯  
一帆高挂暮雲飛  
紅粧十萬無顏色  
笑殺當年杜紫薇

別蘇別駕南歸四首

邂逅相逢興獨豪  
平原十日醉葡萄  
風前忽奏陽關曲  
別淚千行墮寶刀

紅粉清源十萬粧  
亭亭高髻綠羅裳  
那能不滯狂夫興

滿目飛雲是太行

桃花新水木蘭橈  
揮手離人出畫橋  
何處相思偏入夢  
嶓江飛雪越江湖

才大君猶困執鞭  
書成余亦倦遊年  
惟應匣底湛盧色  
夜夜雙飛北斗前

送黃季玉還楚四首

一棹依然入五湖  
數聲長笛楚山孤  
岳陽樓上高回首  
何處長安舊酒徒

神如秋水玉如顏  
贏得殷郎喚阿環  
若向黃陵祠畔過  
莫教風雨妬湘山

電影霜蹄八駿材  
鹽車猶自困蒿萊  
亦知龍種元西極  
不向黃金戀故臺

布帽壚頭撲舊塵  
貂裘愁殺薊門春  
洞庭湖上南歸雁  
莫忘芙蓉寄遠人

憩白牛精舍夢遊湖上聽歌作并寄郭鴻臚

偷然文室卧楞伽  
一枕江南興未涯  
三十六陂春水色

畫船簫鼓載吳娃

食河豚

鼠肝蟲臂任乾坤  
修短茫茫一氣論  
絕粒五旬身尚在  
何妨殘喘食河豚

河豚味在諸魚之下  
僅腹中腴可賞  
昔人目以西施乳  
亦稍誇矣  
余驟食此魚  
頗有聲過其實  
之嘆  
戲題一絕  
以俟定論  
物固有過不遇也

掩映銀盤白玉壺  
質如雞卵味如酥  
若將西子胸前較  
未必鴟夷泛五湖

記十八九時章二宅中食江鱈狂飲劇醉豪興  
欲飛迄今二十餘年再過瓜洲食此此物風  
味不減疇昔乃余髮則種種不復能作少年  
態矣

玉盤金縷按霓裳  
曾倚瓜洲作酒狂  
二十餘年重下筓  
一生江鱈幾回嘗

鱈魚水族中佳品也江淮惟二月有之故亦謂  
時魚昔人恨鱈魚多骨此物鱗刺尤多余酷  
重其風味每食必盡數盤座中戲題此絕

最愛鮮鱈出素波金盤玉筋薦銀梭人生事事元堪恨  
豈獨鱈魚骨太多

渡江一絕

一片歸心付倦遊碧桃花盡大堤頭滄洲不借凌風舸  
二月春江似箭流

過晉陵欲訪朱在明安二茂卿云在明以先一  
日往京口矣十載之期竟左成約殊悵悵也  
蕭蕭風雨一帆開恨殺篙師捩柁回不信習家池上飲  
十年長是夢魂來

再寄文仲一絕

千峯迴合碧雲遲想像吳閭日暮時何日雙柑尋舊約  
一尊湖上聽黃鸝

夜過長安酒樓作

壚頭飛雪萬家寒  
琥珀香吹白玉盤  
歌罷落梅天漸曉  
不知門外是長安

夜讀獻吉仲默廷實昌穀于鱗詩漫興五首

回首開元八百秋  
莫將蹊徑細追求  
巨靈自有移山力  
手擘黃河萬里流

自得西方最上詮  
蓮花千仞撲青天  
由來騷裏鳴鑿足  
可作風螭步驟傳

北地申陽各雋流  
中原名譽本鴻溝  
當時誤作攀鱗客

王後盧前特地愁

肝膽平生獻吉聞金丹煉就肯離羣時人浪自開門戶  
點染高流入墓文

七字高華一代知若為諸體遍稱竒猶龍莫訝宣尼贊  
自是難忘問禮時

采菱曲十二章 有序

采菱者髻邝事緯真今長矣余乃過於三衢  
屠謂余是子知詩莫一言附集末追數其舊

為采菱曲十二章

風情老去似徐娘，猶逐王孫負錦囊。  
莫駕輕車殘雪裡，人間無處覓蕭郎。

碧衣長袖伴瑤琴，欲擬方回更自矜。  
學得新詩明月底，含羞不肯向人吟。

十院名花院院開，高懸明鏡在瑤臺。  
碧空萬里天如洗，飛挾娉婷夜半來。

紅顏二八定誰如，三十專房寵未除。  
頭白楚宮看似舊。

登車何用泣前魚

風神秋水照華筵  
怪得王孫掌上憐  
惆悵後庭花底月  
凭闌迴憶破瓜年

綉帽羅衫恰稱身  
綠絲布褲最撩人  
愁中開府看如掃  
夢裡司空認未真

那曾調笑問當壚  
慣向書齋直唾壺  
驀地閒行尋不得  
畫廊東角鬪樗蒲

焚香懶著鷓鴣冠  
長日東君帶笑看  
好是綠窻明月夜

潛身行傍曲闌干

舊識花卿在錦城相逢高唱少年行  
那堪回首東風惡  
吹送青帆入四明

玉雪肌膚姑射仙天涯揮手劇堪憐  
明年定挂山陰雪  
人在陽明赤水天

玉樹相輝照畫屏朱陳遺事最堪憑  
含啼却笑文君拙

不遣相如聘茂陵

是子姓陳又朱  
生年差少同事

十年聲動大長秋一笑如花越水頭  
為有薛家紅線在

何須重上木蘭舟

送董大之會稽

風雪離人下灞橋長歌不斷董嬌嬈  
梅花兩岸清溪色  
船到西興正落潮

再別惟效觀察一絕

陽臺題罷復琴臺夙昔風流擅楚才  
君到川南相憶處  
海棠煩寄一株來

寄觀察陳座師

千騎西南最上頭  
雪山晴色照吳鉤  
高牙大纛行春暇  
滿酌郛筒酌武侯

入晉陵復不及訪朱在明悵然復寄此詩

廿載飛書醉白沙  
亂山寒色限孤查  
南園一夜西風急  
無數江離盡落花

楓橋夜泊夢與房仲諸君懽飲達旦覺而悵然  
寄此

玉立紅粧照畫船  
終朝寒夢不成眠  
風流何處王公子

落盡蓮花玳瑁筵

湖上酒樓聽歌王檢討敬夫汪司馬伯玉二樂

府及張伯起傳奇戲作

光陰百歲迅流霞一曲東籬擅馬家何似翰林新水令  
秋風遷客走天涯

水雲深處木蘭航白雪紛飛大雅堂莫向五湖尋舊迹  
于今司馬在鄖陽

掩徑頻年侶博徒陽春堂上白雲孤才聞北里歌紅拂

又見東園演竊符

贈黎園邵生

艷舞嬌歌向月明  
金釵羅襪鬪輕盈  
何緣飽聽花卿曲  
今日錢塘是錦城

幼識歌者何生一別廿載相對憮然為題一絕

回首高陽二十年  
何戡重對各潸然  
渭城是處殷勤唱

遮莫明朝送畫船

俗傳有渭河邊  
倚畫船一曲

憶以修桴舟餞別  
至魏灣執手戀戀聞  
某直指

垂至乃發迄今令人悵然偶值清源鴻便輒  
題二絕寄蘇并訊易惟效蔡景明

脉脉盈盈一水頭何須七夕笑牽牛秋來兩地如相望  
夜色天街萬里愁

四倍平原飲酒期牽衣猶自恨臨岐遙知送客河梁後

不向襄陽倒接羅

余曩在清源三君旦夕談燕  
今易摧關市蔡歸闕中矣

寄亭四絕為邑文學祝宗旦題從其子樹勳請

也

縹緲千峯列翠屏  
八窻雲氣透疎櫺  
蘧然一枕南華夢  
別有乾坤在草亭

科頭箕坐一亭空  
白眼青天送斷鴻  
幾許豪華駒隙內  
何人先覺大槐宮

高峯攢翠落精廬  
五斗頽然不願舉  
白持螯應自快  
著朱騎馬定何如

風潭百頃和滄浪  
坦腹蘧廬萬事忘  
睡起秋山捫虱坐  
不知斜照墮胡床



少室山房集卷七十六

欽定四庫全書

少室山房集卷七十七

明 胡應麟 撰

七言絕句八十首

武林送吳山人北遊

雪裡錢塘一棹孤  
送君寒色滿長途  
黃金臺館三千尺  
曾伴荆高作酒徒

哭李惟寅太保十二首

大將星沉易水頭  
五陵城闕暮生愁  
那堪落日臨淮第  
珠履三千覓故侯

笙鶴遙天擁上才  
何年華表一歸來  
黃金慘淡名流絕  
落日陰風滿壞臺

秋色轅門照大旗  
塞垣金柝夜遲遲  
危樓十丈中天月  
尚憶司空坐嘯時

細柳營中柝夜停  
衣冠朝野惜精靈  
無煩更樹中郎碣  
潮海千山盡勒銘

露洗長空散鬱藍無窮秋色庾樓南胡床寂寞珠簾閉  
不見征西月下談

羽扇綸巾白紵袍聲名華貊羨人豪不知累代凌烟上  
若箇如椽擅彩毫

梵宇金銀簇畫梁湖山晴色遍奚囊魚龍寂寞仙槎去  
四百樓臺挂夕陽

十萬貔貅靜不譁青門歸熟故侯瓜城頭一夜飛霜急  
落盡桓伊笛裡花

百尺層臺近潞河  
瑯琊二美數經過  
華陽座上談天客  
強半追隨入大羅

燕子磯頭落葉黃  
秦淮南去是金閭  
分襟最憶河橋畔  
明月千山墮屋梁

憶共春宵禁籥東  
玉鞭馳驟兩花驄  
六街明月天如水  
誰喚詞人碣石宮

國士提攜最少年  
青衫聯袂洛城前  
重來慟哭西州路  
萬樹棠梨咽暮蟬

哭曹子念六首

歷落嶽嵒赴九泉  
伯通椽下最堪憐  
扶風何處歸妻子  
慟哭梁鴻廢冢前

乘風先到鳳麟洲  
二舅星冠話昔遊  
樹樹棠梨婁水上  
殯宮何處問曹丘

一病相如困茂陵  
玉樓魂夢夜飛騰  
亦知鶴背難勝汝  
應逐齊諧跨大鵬

三尺鬚髯十尺軀  
便便大腹定誰如  
莫言飽食曹交粟

七步才華四部書

縲紲寧當罪治長當年書記羨鄒陽只今何處尋遺草  
無限春風屬野棠

避地金閭歲不遙華門蘿徑晚蕭條鐘聲送客寒山寺  
恨泊吳楓第二橋

送謝文度還武夷二首

長江天際一帆開拂袖離歌下越臺君去幔亭回首望  
霞光猶似赤城來

淒風殘月大江濱  
送爾津亭見白雲  
搖落萬山秋色裡  
何人同謁武夷君

過齊東不及持斗酒  
酌鳴臯墓二絕寄懷

滿眼寒山卧北邙  
修文人去尚為郎  
無勞更下楊朱泣  
曾共齋頭種白楊

殯宮遙鎖石門寒  
淺土齊東寄伯鸞  
惆悵棠梨飛欲盡  
亂山無語夕陽殘

天香館

縹緲孤根立翠巒扶疎晴影拂仙壇  
瑤臺十二金風起  
吹送天香出廣寒

空翠亭

翠葆林林夾畫牆萬株寒玉鎖烟霜  
閒來此地堪逃暑  
滿榻清風伴上皇

紅蕖沼

徙倚清香動曲池赤欄亭榭午風遲  
紅粧半掩青鸞扇  
疑是溫泉罷浴時

來鳳岡

百尺亭亭翳紫苔  
清陰長夏滿樓臺  
風前漫作琴聲聽  
白晝天池鳳鳥來

斷橋斜照

夾岬輕風上柳條  
桃花晴逐杏花飄  
遊人不道春光晚  
簫鼓樓船入斷橋

漳塘霽月

明月娟娟漾碧沙  
銀塘秋水浴蒹葭  
涼風忽逐雙鳧起

零亂中流白藕花

天井平原

古木寒林四望幽，經過麋鹿共淹留。  
翛然不起紅塵念，坐占平原十畝秋。

鶴阜清風

何年孤鶴此徘徊，引步僊風拂島來。  
永夜月明秋萬里，滿空零露濕瑤臺。

靈鷲峰懷童子鳴二首

行盡天台三十峯  
春烟重疊鎖芙蓉  
孤雲不作還家夢  
卧聽僧堂雨後鐘

翠擁千林路不分  
夕陽回首一鐘聞  
天南詞客留題處  
惆悵西巖滿寺雲

憶同俞羨長  
張元春何主  
臣吳德符遊宿湖上  
彈指隔歲孤坐  
小園橫塘烟雨甚思  
四君挈木蘭飛白墮  
共之輒題一絕便面  
寄吳生傳

致三子

好風涼月大堤傍，何限秋光撲畫牆。  
回首亂山飛鳥隔，一林烟雨滿橫塘。

王山人希曾記室戎行廿載矣，歸武林寄止窮巷門庭蕭然，余偶過啜茗其中，為題此絕。

老傍東林學種瓜，當年投管事龍沙。  
胡床獨坐秋風裡，門巷無聲落豈花。

憶與王生酣眠小玉館中，迄今垂三十載，武林邂逅縱談疇昔，則同事酒壚者什九岱宗矣。

把臂潛然輒復賦此

三十年前宋子侯名花傾國爛溪頭  
簫聲斷絕秦樓閉  
何處重攜弄玉遊

送徐茂才

竹窻螢火記當年心折蘭陵繫酒船  
縱是相逢猶有恨  
西風憔悴菊花前

送王生之白狼幕中二首

不逐游閒抱隱囊  
翩翩結束事戎行  
閨中秋夜長如許

莫遣音書斷白狼

廿載封狼憶舊籌懸腰霜色粲吳鉤殷勤脫贈秋風裡

五夜飛餐日逐頭

時方有事日本

病卧旬日焚香小齋偶扶杖過牆東則池上芙蓉

容盡放矣秋色三分倏忽強半捉筆聊賦短

章

肺病寒窻卧綠紗竹床支枕誦南華不知湖上秋多少

簾外芙蓉盡落花

王生希曾以文犀琥珀贄余序其滇遊諸稿余  
諾之未暇也會生有事白狼戲成二絕句東  
之

燦爛文犀粵嶺來竹皮冠小正堪裁異時牛渚休然却

留伴溫郎玉鏡臺

右犀  
導

一寸寒光萬里心懷中明月夢中尋莫將玉盃移相傍

看作蘭陵舊鬱金

右琥珀  
盃

少與徐文學同館萬松別去二十四載一時諸

子邈如晨星，今秋邂逅武林，因各舉大白為壽，題小絕以紀之。

一壇猶記共錢塘，舉白持螯思未忘。二十四年彈指過，莫教容易賦河梁。

祝生如華舊從余學詩，溪上一別三載餘。是秋余羈寓武林，忽棹扁舟來謁，投我七言律四章，風骨峻嶒，殊可喜愕于其行也。走筆五絕勉之。

一枕梧堂亂葉飄  
新詩何處擲瓊瑤  
數篇風骨峻  
增甚  
可道青衫業未消

寸管縱橫白雪飛  
夜光前乘簇珠璣  
從他赤幟收全趙  
斟酌登壇在布衣

盡道寥天跨赤虬  
那知深獄閉吳鉤  
自知匣底千秋在  
無奈寒光逼斗牛

騷駢飛黃並絕塵  
太行高坂骨嶙峋  
君看異日登臺客  
可笑于今伏櫪人

一棹河梁繫白沙芙蓉江上未開花十年白踐羅傾國  
投老西施學浣紗

再送汪山人兼寄余督學君房六絕句

玉鳥雙飛大海晴河梁斜日斷雲平涼秋試躡青蓮躑  
一問黃冠到四明

一曲君王賜鑑湖蒼生能起謝公無雲門寺口青山色  
憶對金陵舊酒徒

懸圃層城碧海頭何煩徐市說瀛洲月明天姥三千仞

對挾飛鯨夢裡遊

迴首南皮舊蹟存當時詞客半銷魂  
由來筆札君房妙  
一柱靈光鎮海門

洞壑潮音阿耨前金銀樓閣太空懸  
三生大士容聽法  
淨洗軍持供白蓮

望氣頻過大禹陵甬東城郭近西興  
天風萬斛潮聲起  
人倚浮圖第一層

看花湖上人家覩閨中四時障子為題樂府四

章

繡戶重重閉綠苔  
桃花一樹曉風來  
羅衫乍試嬌無力  
淡掃春山上玉臺

一枕相思夢未成  
銀屏珠箔畫樓明  
石欄杆畔榴花發  
相對狸奴坐晚晴

萬戶寒砧接暮笳  
征夫何處未還家  
相攜女伴瑤臺上  
五色金盤弄月華

窻外寒風正襲衣  
流黃那復理殘機  
鳴箏熾炭圍爐畔

高捲珠簾看雪飛

柳枝詞二首

湖上作

湖上春風萬萬條  
纖枝長學漢宮腰  
憑君莫奏清江曲  
無限情人憶板橋

婀娜輕盈拂畫樓  
佳人金絡控驂騮  
同心何處真堪結  
樹樹青絲綠水頭

衢陸君七旬矣而嗜奕靡倦過余茆堂竟日索

詩為別一絕

蚤歲巴邛遇橘仙  
枯棋三百思通玄  
何當戲叱羴羊去  
獨占青霞洞裡天

楚余生千里過訪乞詩四絕以贈其行

握手新知話未央  
狂歌深夜舞魚腸  
蘭陵百斛猶堪醉  
莫指宜城憶故鄉

車騎翩翩澱水頭  
朱絃彩筆羨風流  
元龍豪氣今餘幾  
為汝重登百尺樓

零雨蕭騷滴夜眠  
送君愁上木蘭船  
征途不為南風惡

何限黃鸝碧樹前

皓齒明眸照玉臺清帆瀕發更徘徊憑君小適山陰興  
明日溪頭挂雪迴

題扇

滿空飛雪墮闌干長信宮中夜不寒自是壽陽粧額蚤  
錯教人擬落梅看

中秋夜小亭對月獨酌四首末首懷邦相明府  
危闌十二倚長空寂寂樓臺露氣中吹斷碧簫天似水

玉盤初上海門東

玉露無聲桂宇高  
小亭孤坐一揮毫  
百篇斗酒聊今夜  
斟酌騎鯨欠錦袍

萬家秋色武昌樓  
樓上霜華靜不流  
好踞胡床成獨坐  
幾人年少解悲秋

樓閣嶢峣練影開  
遙知仙令亦含杯  
不因桂樹飛香滿  
真作山陰夜雪來

戲贈相者吳生

痴絕平生顧虎頭，祇從丘壑擅風流。  
由來寸管千秋在，莫詫當年萬里侯。

題葉太學會心處

四面青山護草堂，芙蓉萬朵浴銀塘。  
黃庭一卷焚香罷，散髮胡床坐晚涼。

送趙明府之同安

新捧銅章下澱川，同安百里候朱絃。  
飛鳧慢憶雙龍闕，少駐仙家十六天。

送郭生遊金陵二首

澱水蘭陰不耐遊  
飛帆遙入帝王州  
石頭城上花如綺  
為覓長庚舊酒樓

滿載金華百斛春  
青袍綠鬚紫綸巾  
珠簾半捲長安道  
爭喚投壺郭舍人

贈章生從龍

綠鬚紅顏學楚狂  
看花攜酒過溪堂  
生涯莫笑揚雄拙  
老挾玄經不下床

小憩長春圃作

谷口雲深護翠巒，科頭長日對盤桓。  
一聲山鳥夕陽墮，滿榻長松生夏寒。

送陸孝廉

玉匣豐城劔氣重，暮山重疊照芙蓉。  
應知洛下諸詞客，彩筆分行待士龍。

吳之衛過訪迫行不及往報率爾寄懷

邂逅吳郎曲水頭，吳天霞色照吳鉤。  
孤航不奈明朝別，

千樹寒楓盡作愁

安二席上重聽輕紅歌作

深夜西林棹雪過一尊其奈故人何寧辭大白千鍾醉  
飽聽輕紅百遍歌

少室山房集卷七十七

欽定四庫全書

少室山房集卷七十八

明 胡應麟 撰

七言絕句八十五首

夜飲郭金吾齋頭同韓劉兩生奕達旦歸寓則

晨餐久熟笑戲走一絕柬郭君并韓劉二文

學

談棋說劍更呼盧絳蠟燒殘白玉壺痛飲不須愁禁夜

主人曾是舊金吾

病目初起汪象先太學以玉簪十二餽我即取  
小軍持承露分貯几上覺茅齋秋色種種撩  
人報以口號二

雙眼婆娑病色含不禁秋夢繞江南風流最是王公子  
滿把霜林贈玉簪

荏苒秋光遍六街玉妃聯袂到空齋軍持滿插文園露  
何似華堂十二釵

夜飲仁夫館大醉吐頓因借所服綠衣歸詩謝  
之

五斗醒來恣所如幕天席地坐蘧廬酒闌人靜披衣出  
滿路晨鐘下玉除

馬上望天寧寺浮屠作

十層珠瓦亂雲齊百丈金身落日低幾許慈恩高刹上  
千秋惟覩少陵題

登玉華峰寺西山絕頂處余夜宿其中題此絕

於巖石

絕頂秋光萬壑懸  
青萍搖曳亂雲前  
峰頭五夜聊伸足  
莫訝孤星帝座眠

湖上

風起平林月色低  
飛香十里禁城西  
不知人在清涼國  
萬朵芙蓉夾大堤

題董體仁壁間

二十年前灞水傍  
壚頭晨夕縱清狂  
天南海北凋零盡

贏得君家玉樹長

東蘇叔大乞黃花魚

徙倚東籬日漸春  
南山何處見秋容  
憑君乞取羅浮膾  
吟望飛雲四百峰

無題五首戲惱李王元三子

珠箔銀屏玳瑁梁  
何人低語合歡床  
金籠鸚鵡渾多事

窻外頻呼李十郎

霍小玉事

金水橋邊白玉堂  
人人爭問薛家娘  
青衣屏後褰簾看

不是王郎是李郎

文君顏色鬪誰強十樣鸞箋總在唐一片蒹葭秋似水

月明何處問元郎

相國禎最  
屬意薛濤

紅牙敲徹總尋常指點傾城在末行歌到玉門楊柳句

諸君端合拜胡郎

見集  
異記

風流千古擅詞場濯錦江頭正夕陽花發小桃寒食夜

莫將魂夢惱元郎

戲用李昌祺  
餘話田洙事

射所牆東書事

門掩湘筠翠色虛將雛語燕入庭除不知金犢何時返  
閒坐櫻桃第四株

歌者陳邵兩生別余二十餘載忽與遇長安邸  
中一曲辭去

廿載桃花澱水頭腰肢垂老尚風流相逢一笑番成別  
月落參橫下酒樓

偶題

獨捲紗窻晝漏遲春風含笑畫蛾眉東鄰預訂黃昏約

夜合花香月上時

春閨曲

春衫斜捲越羅輕  
女伴西園作隊行  
蕩子不歸三月暮  
百花深處亂啼鶯

秋閨曲

沉水香銷白玉壺  
薰籠斜倚月明孤  
狂夫尚作瀟湘客  
夜夜金風落井梧

題畢餘興未盡戲用唐宋人元句綴七言二絕

末行此題薛生繪事五言絕後者薛嘗以素中繪雜卉五種為一圖余系以五絕句

五色毫揮五彩裙五言詩燦五花文薛家少婦行原五

傳玩爭看五朵雲

用宋韓維句五圖共繪一中儼若卹公五雲體云一

獨步江東杜紫薇橫行塞上薛明妃君看彩筆雙題後

萬古長如白練飛

用唐徐凝題瀑布詩以入羊欣事差不惡也

為象先題畫後薛生偶見特以精綾繪五卉見

餉而易山茶松石豈其以歲寒盟余耶漫賦

一絕

浣却紅綃著翠盤  
亭亭雲色墮雕欄  
分明蜀國魚箋樣  
莫道青樓不耐寒

潞河留別王行父袁微之李本建徐象先四絕

句

瀟湘才子王行父  
燕趙佳人薛素卿  
千秋一字神偏王  
一笑千金目未成

懸弧正值中秋夕  
設帳仍當乞巧筵  
天孫雲錦千機細  
月姊霓裳一代傳

當年畫識真真面此日綃看素素題南岳地仙寧再下  
上元天女會重攜

袁宏徐幹各風流李益王維興未酬迴首素娥天咫尺  
片帆無賴出并州

潞河南發永叔黃門舟中話舊因讀余少作絕  
句石梁橫截海天流明滅飛霞挂嶺頭及蒲  
桃新綠照人明三語則余皆忘之并失其稿  
矣戲為足成二章

石梁橫截海天流，明滅飛霞挂嶺頭。  
好去大羅仙子宅，碧桃千樹倚蒼虬。

鬱金沉水未稱豪，噴玉飛泉助彩毫。  
北塞邇來饒薏苡，

西涼何處問蒲萄。

永叔出都舟空亡一物  
第載薏苡酒十數瓶

黃生石父基於吾，越為第一手而詩思亦翩翩。  
是夕賦一律送余南還，酬此。

一吐瑤華字字奇，星芒寒逼丈人詩。  
青萍暫隱吳閭博，可道長安似奕棋。

卧病舟中旬日永叔命郎君過訊走筆賦贈二

章

半腮迎日鬪鮮紅累葉看山賦颺風屈指烏衣三世後

新詩重覩薛竒童

蘇長公幼子過賦石榴詩半腮迎日鬪鮮紅又颺風賦亦附見坡集

霜寒秋色淨枝頭又見王郎白石榴笑殺子安才欲盡

風帆猶趁大江流

仲君年僅十四王子安序滕王閣正茲歲云

憶與永叔丙戌上春官永叔至安平鎮登陸今

屈指十載乃余附永叔舟再過茲地追憶曩

時王生據鞍上馬狀恍惚在目相與拊掌大笑即席漫成

對倚青萍夜不眠雄飛雌伏漫誰憐衰楊古駟安平道  
迴首西風已十年

稚升席上再與永叔言別

九駟洪濤晝拍天城陰聊繫孝廉船殷勤淮水東頭月  
重向河邊照別筵

狄明叔新居河上所幸美人十數輩築臺榭以

館之余過戲贈此絕

秦臺雙鳳太寥寥  
銅雀徒聞大小喬  
何似霓裳三十二  
月中樓殿鬪妖嬈

次孟城稚升使者以酒貲追至再賦二絕寄之  
雙鯉迢迢尺素傳  
飛鷗遙問孝廉船  
江風不為離人住  
恨殺孟城片月圓

敲枕蓬窻月色澄  
屋梁猶記共青燈  
多情似逐長淮水  
一夜隨人到廣陵

永叔別余入天台四絕送之江上

天末飛檣挂海濤江頭晨送木蘭橈  
當筵忍疊陽關唱斷雨淒風遍客袍

玉洞明霞樹樹催青鸞先傍大羅迴  
春光滿酌高堂上拚取胡麻作壽杯

洞天曾宿上清扉雙送劉郎出翠微  
斜日亂山歸路遠

桃花千樹赤城飛

余嘗夢遊天台二仙子洞中儼如畫圖所遇故屢及之

萬里長淮挂北風大江東下雪連空  
虛疑瓢笠王郎去

翹首鳴珂碣石宮

出塞曲十六首為周元父題

周嘗為大將軍李  
慕容精騎射兼習

琴奕  
丹青

曾隨飛將奪天山橫槊詩成顧盼間  
萬里玉門沙似雪  
生還曾未鬢毛斑

書生骨相未封侯暫逐荆卿卧酒樓  
腰下魚腸公莫舞  
大荒曾挈邳支頭

年少江東智畧饒長驅日本破天驕  
不緣羽扇能揮敵

銅雀春深閉小喬

高宴從軍樂事多  
白登城上夜如何  
數聲清嘯迎風發  
十萬前驅盡倒戈

受降城下戰初迴  
無定河邊畫角哀  
落日沙場秋色滿  
題詩人在赫連臺

磨滅雄心仗翠鈿  
幽蘭一曲暮雲前  
從知顧盼仙郎熟

不向人前誤拂絃

周生多  
狹邪遊

幕擁青油夜漏遲  
從軍爾亦解觀碁  
不知淝水風行日

可似張玄授策時

駿馬雕弧鐵柄襜何人不羨獨孤郎  
橫戈夜度燉煌戍直取涼州獻未央

躍馬陰山白日低拂雲堆上醉如泥  
彎弓錯擬旄頭落並墜雙雕大磧西

八法縱橫擅彩毫何煩拋擲事龍韜  
聊飛尺檄蕭關外已報單于雪夜逃

一笑能空塞北亭寒光閃爍射青萍  
歌殘杖杜長城下

萬仞燕然自勒銘

漁陽東望海雲平  
橫笛偏吹驃騎營  
繞夜落梅春不斷  
千山明月滿龍城

青海城頭月照沙  
黑山何處問琵琶  
長纓盡縛呼韓將  
重取明妃入漢家

短小周郎五尺軀  
侯門花色照長裾  
莫言談笑無竒策  
百雉聊城祇片書

君卿脣舌詫紛紛  
筆札兼傳谷子雲  
怪得五侯鯖滿座

鐵椎曾奪信陵軍

拂袖行歌入帝都  
灞陵亭上醉相呼  
過從賴有任安在  
使酒何勞挈灌夫

渡黃河抵呂梁再寄徐參知即景舒懷共十絕

句

千頃清淮匹練長  
使君高誼重餘皇  
布帆無恙南風正  
日暮行人到呂梁

漫說陳登百尺樓  
十年湖海浪成遊  
多情好是徐元直

一借仙槎問斗牛

星宿黃河濁浪澄長淮飛雪罷奔騰  
金堤萬國輸王會  
玉盃千秋鎮茂陵

櫛雨梳風事若何古來師克在人和  
飛芻直接桑乾塞  
轉粟新成瓠子河

花照桃源百里紅班荆曾此聚羣雄  
虛疑仙子栽靈藥

莫認漁郎繫短篷

桃源縣俗傳先主  
聚義處在彭城下

龍起魯鷲大陸前書生今握萬夫權  
輕裘沛上分曹處

鼓吹牙門白日懸

千仞雲龍列翠屏  
亂山環匝楚天青  
干旄絕頂行人過  
遙指元戎放鶴亭

芒碭龍飛大澤雲  
高臺戲馬送斜曛  
胡床何處邀詞客  
清夜黃樓萬柝聞

豹略熊韜冠世姿  
雙龍腰下劔雄雌  
封侯莫訝儒生薄

談笑曾紆十萬師

廉訪嘗定淮南變  
為天下治平第一

進履橋頭國士蹤  
穀城山下記相從  
功成屈指封侯日

重向金華問赤松

君嘗從家大人游在總  
州時已錦錦播露奇穎

澱元亭上聽歌作

花竹周遭十二欄  
萬家明月滿長安  
夜深庭院天風起  
隊隊霓裳出廣寒

秋日卧病澱元顯卿厚之皞民過訪

老病秋來話息機  
滿階梧葉夢魂飛  
亦知極樂華胥界  
無奈西風撼竹扉

十年消渴夢魂搖  
驢背風烟又灞橋  
玉露金莖何處問

漢宮秋色正宮堯

再別惟寅十絕句

三十年來擊筑場  
白頭相對又河梁  
雙龍莫訝經離合  
滿目飛雲是太行

亂雲殘葉晚淒淒  
揮手長安日漸低  
眼底只今饒醉尉  
不煩追送灞橋西

君向青門話種瓜  
余歸亦卧武陵花  
扁舟後夜堪乘興  
雪滿山陰十萬家

千里行歌出薊門何年同住杏花村衰楊古駟盧溝道

歌到驪駒各斷魂

余擬卜居秣陵  
與惟寅相晨夕

十載青萍賦浪遊蕭蕭羸馬塞門秋那堪茅店雞聲夜

落月梁間夢李侯

日夜西風起潞津余歸君住總傷神相看脈脈燕臺上  
地北天南兩病身

易水燕山半草萊蕭蕭風色暮偏哀悲歌屠狗凋零盡

無賴黃金百尺臺

玉河流水暮潺潺行李西風出亂山一路相思秋色裡  
孤雲何處秣陵關

極目天南雁鶩羣荷衣深入五湖雲華陽碣石當年事  
憔悴西風不可聞

十萬貔貅罷枕戈中山無奈謗書多祇今銅柱留遺迹  
誰見當時馬伏波

東李汝藩四首

萬斛鯨波大海頭扶桑東指亂雲愁玉門生入殊堪樂

莫羨當年定遠侯

惟悴東還泣數竒親闡南國倚閭時誰言敬仲操戈怯  
剩有交游鮑叔知

歸來無恙舊樓船贏得雞林字字傳不是王陽難九折  
千山雲色太行前

不解征衫客異邦興闡初返木蘭艘東游可道風波惡  
題遍新詩鴨綠江

巧巧素素皆薛生名也而字特未稱余與行父

定議曰瑤英庶於二名不偏亦以古有茲字也

翩翩長袖越羅輕玉骨冰肌照眼明莫道元家人已去  
千秋重覩薛瑤英

滕觀察先生招遊湖上藩臬諸公咸集命余賦  
詩

弱水盈盈一望中羣仙環佩起天風青霄盡斂浮雲色  
紫氣遙臨大海東



少室山房集卷七十八